

# أسباب الثبات وعدم الإنكسار 1) سلسلة مجالس قرآنية (للشيخ

أحمد جلال

أحمد جلال

هذا المجرم ده لما اراد انه يعزب زوجته عذبها عذاب لا يتخيله انسان. ذكره النبي صلى الله عليه وسلم حين الحديث الصحيح ان فرعون اوتد لامرأته اربعة او تاد في الارض. عمل ايه - 00:00:00

جعل الاوتاد فيهن ؟ وصلبها بقى ايد ورجل كده. وده معناه ان هي تتحرق الاربعة في كل الاوقات بتاعة الشمس. ازاي ؟ طول ما الشمس اصلا طالعة الارض يتشرب النار دي حر الشمس وبتبخه على ضهرها. وجسمها - 00:00:30  
من فوق هي كده كده الشمس اصلا بتاكل فيه فتخيلوا قدر العذاب اللي تعرضت له هذه المرأة. ومع ذلك ت Shawf الثبات على الطريق.  
انما كان المبدأ الاساسي منه هو ليعرف الانسان منا ربها. انك تبقى عارف ربنا كوييس. المعرفة دي اللي بتخلி كل المحن دي تعدى عليك - 00:00:50

وضرب الله مثلا للذين امنوا امرأة فرعون. اذ قالت رب ابني لي عندك بيـتا في الجنة ونجـني منه فرعون وعملـه ونجـني من القوم  
الـاـيـه ؟ الـظـالـمـينـ. سـبـانـ اللـهـ الـعـرـفـةـ مـعـرـفـةـ اللـهـ سـبـانـهـ وـتـعـالـىـ. ولو جـيناـ بـصـيـنـاـ ايـضاـ لـاصـحـابـ الـكـهـفـ - 00:01:15  
الـشـابـ الـلـيـ كـانـواـ عـاـيـشـينـ فـيـ وـاقـعـ زـيـهـ الـوـاقـعـ الـلـيـ اـنـتـمـ عـاـيـشـينـ فـيـ بـالـزـبـطـ. اـحـنـاـ عـاـيـشـينـ الـاـنـ فـيـ وـاقـعـ فـوـجـئـنـاـ فـوـجـئـنـاـ اـنـ رـقـاصـةـ  
هـيـ الـامـ الـمـثـالـيةـ. وـفـوـجـئـنـاـ كـدـهـ فـوـجـئـنـاـ فـيـ الـوـاقـعـ - 00:01:45  
الـلـيـ اـحـنـاـ عـاـيـشـينـ فـيـ دـهـ هـوـ اـنـ وـالـعـيـادـ بـالـلـهـ الـلـيـ بـيـتـكـلـمـ فـيـ غـنـاءـ بـفـوـاحـشـ وـالـفـازـ سـيـئـةـ بـيـحـتـفـلـ مـنـ قـيـمـةـ كـامـ يـوـمـ اـنـ اـشـتـرـىـ فـيـلـاـ فـيـ  
مـارـيـنـاـ. اـحـنـاـ عـاـيـشـينـ فـيـ وـاقـعـ اـنـ الـمـتـدـيـنـ فـيـ - 00:02:05

طيب من ربنا ده ارهابي. فالانسان منا سبحان الله انا دايما لما بقرأ سورة الكهف كل جمعة بحس اوي والله العظيم يا اخواننا  
بحس قوي ان احنا حالنا قريب من حال الشباب دول. حال الشباب اللي - 00:02:25  
مش طايقين الواقع بتاعهم مش كرها في بلدتهم. ولكن كرها للقيم الفاسدة. انا كاره القيمة الفاسدة انا كاره في يوم من الليام ان  
الراقصة تكون هي الام المثالية. وعندنا الاف من اطباء الجامعة علماء علماء - 00:02:45  
والله يا اخوانا علماء ولا حد يعرف عنهم حاجة. احنا نقرأ القيمة الفاسدة دي. لأن المفترض البلد لما تكرم تكرم من ينفع ابناءها. ده  
المفترض. ولكن نشوف في الجهة الثانية امر غير طبيعي - 00:03:05

لمن شفت للأسف كلية طب في احد جامعات مصر جايبيين شعبان عبدالرحيم علشان يكرمه. ليه ليـداـ اـصـلـهـ لـيـهـ اـنـتـمـ اـنـتـمـ بـيـعـمـلـوـاـ فـيـ  
ناسـ كـدـهـ لـيـهـ ؟ رئيسـ الجـامـعـةـ كـلـيـةـ طـبـ اللـيـ جـايـ النـهـارـدـةـ بـيـكـرـمـ شـعـبـانـ عـبـدـالـرـحـيمـ. لـيـهـ ؟ عملـ اـيـهـ لـلـشـعـبـ ؟ عملـ اـيـهـ لـلـمـسـلـمـينـ - 00:03:25

عامل ايه لاهل مصر؟ يعني عمل لنا ايه؟ يا اخواننا انا باتكلم على قيمة مش باتكلم على اشخاص. الشخص ده يعني فيه بينه وبين  
ربنا شيء هو ده بيبني وبين ربنا انا لا باتكلم على شخص انا باتكلم على قيمة - 00:03:49  
احنا كم عندنا والله يا اخواننا كم ام عندنا مات زوجها احنا كنا امبراح في سيرة ام من امهات مات زوجها وهي قائمة باولادها الاربعة  
لحد ما خليتهم كلهم ما شاء الله اساتذة في الجامعات وكليات طب والكلام ده. مش دي الاحق بهذا التكريم؟ احنا عندنا كم - 00:04:04

دكتور جامعة من الناس الشرفاء اللي بيبذل ليل نهار. علشان يعمل حاجة كويسة للناس. هو ده السؤال اصحاب الكهف  
شباب ظهر في مجتمع ما كانواش راضيين على القيم اللي فيه - [00:04:24](#)  
المجتمع القيم اللي فيه باطلة تركوا الله الواحد الاحد وراحوا لمجموعة من الاصنام طوب لا ينفع ولا يضر سبحان الله! رغم التهديد  
ورغم الوعيد قال الله عز وجل انهم فتية امنوا بربهم وايه؟ وزدناهم هدى وربطنا على قلوبهم اذ قاموا. يعني ايه اذ قاموا -

[00:04:44](#)

حد يعرف الملك لما جاء بهم لما جاء بهم وخيرهم بينه ان تعودوا لدينا عبادة الاصنام واما ان تقتلوا. عايزين تسبتوا على دينكم تقتل.  
فهم حاولوا يقنعوا بالعقل. يعني حاولوا يقنعوا بالعقل - [00:05:10](#)

قالوا ربنا رب السماوات والارض. شف المعرفة. شف ده كلام يطلع من حد عارف ربنا اوبي. قالوا ربنا رب السماوات والارض لن ندعوا  
من دونه الها لقد قلنا اذا شططا. هؤلاء قومنا اخذوا من دونه الها. لو - [00:05:40](#)

يأتون عليهم بسلطان بين فمن اظلم من افترى على الله كذبا. وتشوف الانسان في وقت المحنـة وفي وقت الشدة ازاي ثبت شوف  
بداية القصة كانت ايه ونهاية القصة كانت ايه. اما بداية القصة اذ اوبي الفتية الى الكهف فقالوا لها - [00:06:00](#)  
ربنا اتنا من لدنك رحمة وهيء لنا من امرنا ادي اللي الى الله اللي ما بيطلعش الا من قلب ابقي عارف ربنا كويـس في مواطن زي ده.  
تعال نص القصة قال تعالى فاولوا الى الكهف هـا ينشر لكم ريكـم من - [00:06:20](#)

وبيهـي لكم من امركم ايه؟ مرفقا. سبحان الله! دي قلوب كانت عارفة ربنا قوي معرفـة دي بيترتب عليها حاجات كـثير جدا يا اخوانـنا.  
من اعظم ما بيترتب او من اعظم الثمرات اللي ممكن انت تجـنيها - [00:06:40](#)

من وراء معرفـتك بالله سبحانه وتعالـي هي الربط على القلب والربط على القلب معناه ان ربنا يثبت قـلبك. وده اللي اـحـنا محتاجـينـه في  
زمانـنا دـه. دـه اللي اـحـنا محتاجـينـه في زمانـنا دـه. ان ربنا سبحانـه - [00:07:00](#)

تعالـي يربط على قـلوبـنا. كما قال الله عـز وـجل وـربطـنا على قـلوبـهم اـذ قـامـوا. الـربط دـه هو تـبـيتـ القـلـب عـلـى طـاعـة الله سبحانـه وـتعـالـي  
الـربط دـه يا اـخـوانـنا اللي ربـنا سبحانـه وـتعـالـي بـيعـطـيه دـايـما لـلـنـاس - [00:07:17](#)

الـلي عـارـفـه ربـنا زي ما حـصل مـسـلا مع اـهـل بـدر قال تعالـي وـينـزل عـلـيـكـم من السـماء مـاء ليـظـهـرـكـم بـهـ واـيـهـ ويـذـهـبـ عنـكـم رـجـزـ الشـيـطـانـ  
والـليـهـ؟ ولـيرـبطـ على قـلـوبـكـمـ. اـحـنا فـعـلـا فـي بـعـضـ الاـوـقـاتـ الواـحـدـ بـيـقـيـ وـاقـفـ كـدـهـ - [00:07:47](#)

يا جـمـاعـةـ اـقـسـمـ بالـلـهـ يـكـادـ عـقـلـ الـاـنـسـانـ يـطـيـشـ والـلـهـ يـكـادـ عـقـلـ الـاـنـسـانـ يـطـيـشـ. ليـهـ؟ لـانـكـ شـاـيفـ حـوـالـيـكـ كـمـيـةـ طـاقـاتـ  
جـبـارـةـ وـشـاـيفـ قـدـامـكـ نـمـاذـجـ منـ النـاسـ قـمـةـ الـاـدـبـ وـقـمـةـ الـخـلـقـ وـقـمـةـ الـصـلـاحـ وـقـمـةـ الـحـبـ لـلـبـلـدـ - [00:08:07](#)

وتـلـاقـيـ سـبـحـانـ اللهـ فيـ وقتـ اـهـلـ الـبـاطـلـ بـيـحـارـبـواـ دـولـ فـانتـ شـاـيفـ انـ هـنـاـ اـهـلـ الـبـاطـلـ وـهـنـاـ اـهـلـ الـحـقـ فالـقـلـبـ بـيـتـلـخـبـطـ. طـبـ اـزاـ  
كانـواـ دـولـ عـلـىـ الـحـقـ ماـ بـيـوـصـلـوـشـ ليـهـ اـصـلـاـ؟ـ فـانـ الـاـنـسـانـ بـيـقـيـ مـحـتـاجـ بـقـىـ اـيـهـ الحاجـةـ تـرـبـطـ عـلـىـ قـلـبـهـ - [00:08:33](#)

ودـهـ الليـ اـحـناـ مـحـتـاجـينـهـ انـ ربـناـ سبحانـهـ وـتعـالـيـ يـرـبطـ عـلـىـ قـلـوبـناـ فيـ زـمـانـناـ بـيـقـيـ مـحـتـاجـ بـقـىـ اـيـهـ المـفـاهـيمـ.ـ فـيـ زـمـنـ الشـابـ فـعـلـاـ اـصـبـحـواـ تـايـهـينـ  
فيـ الشـارـعـ مشـ عـارـفـينـ يـعـملـواـ اـيـهـ.ـ تعـالـيـ لوـ بـصـيـتـ اـيـضاـ لـنـموـذـجـ السـحـرـ - [00:08:53](#)

سـحـرـةـ فـرـعـونـ وـنـمـوذـجـ النـاسـ الليـ عـرـفـتـ ربـناـ اوـيـ.ـ وـقـلـوبـهاـ اـتـمـلتـ بـمـعـرـفـةـ ربـناـ سبحانـهـ وـتعـالـيـ.ـ فـعـلـاـ قـلـوبـ كـدـهـ اـتـمـلتـ بـمـعـرـفـةـ ربـناـ  
سـبـحـانـهـ وـتعـالـيـ.ـ وتـلـاقـيـ سـبـحـانـ اللهـ هـذـهـ المـعـرـفـةـ اـثـرـتـ عـلـيـهـاـ فيـ - [00:09:13](#)

مـوقـفـهاـ وـفـيـ اـقـوالـهاـ وـفـيـ اـفـعـالـهاـ.ـ قـدـامـ بـطـشـ فـرـعـونـ لـاـ اـقـطـعـنـ اـيـديـكـمـ وـارـجـلـكـمـ مـنـ خـلـافـ.ـ وـلـاـصـلـبـنـكـمـ فـيـ وـلـتـعـلـمـنـ اـيـناـ اـشـدـ عـذـابـاـ  
وابـقـىـ!ـ بـصـ بـقـىـ!ـ بـصـ الـكـلـامـ طـالـعـ مـنـ قـلـبـ وـاحـدـ عـرـفـ ربـناـ.ـ لـنـ - [00:09:33](#)

انتـ قـلـتـ لـنـاـ دـلـوقـتـيـ هـتـدـيـنـاـ فـلوـسـ وـقـلـتـ لـنـاـ اـنـ اـحـناـ نـكـونـ مـنـ الـمـقـرـبـيـنـ لـكـ.ـ فـتـشـوـفـ الـقـلـبـ بـقـىـ الـلـيـ عـرـفـ ربـناـ لـنـ نـؤـثـرـكـ عـلـىـ ماـ جـاءـنـاـ  
مـنـ الـبـيـنـاتـ وـالـذـيـ فـطـرـنـاـ.ـ فـاقـضـ مـاـ اـنـتـ قـاضـ.ـ اـنـمـاـ تـقـضـيـ هـذـهـ الـحـيـاةـ الدـنـيـاـ الـاـ اـيـهـ؟ـ هـاـ؟ـ اـمـنـاـ بـرـبـناـ - [00:09:53](#)

فـلـيـغـفـرـ لـنـاـ خـطـايـاناـ وـمـاـ اـكـرـهـتـنـاـ عـلـيـهـ مـنـ السـحـرـ.ـ وـالـلـهـ خـيـرـ وـابـقـىـ.ـ وـالـلـهـ خـيـرـ وـابـقـىـ دـيـ مـاـ الـوـحـشـ الـاـ مـنـ قـلـبـ وـاحـدـ عـارـفـ ربـناـ اوـيـ.ـ اـنـاـ  
مـشـ هـاقـدـ فـيـ يـوـمـ مـنـ الـاـيـامـ دـنـيـاـ عـلـىـ رـبـناـ.ـ وـمـشـ هـاقـدـ فـيـ يـوـمـ مـنـ الـاـيـامـ شـيـءـ اـيـاـ - [00:10:13](#)

ان كان هذا الشيء على ربنا لا بنت بحثها ولا وظيفة ارجوها ولا مال اذا منتظره مش هقدم حاجة على ربنا. ده ما يطلعش الا من قلب واحد حب ربنا. ودي الثمرة الثانية من ثمرات معرفة الله سبحانه وتعالى. ان من استقر ان من استقرت معرفة الله - 00:10:33 في قلب اللي معرفة ربنا استقرت في قلبه لا يمكن بحال من الاحوال تلاقيه بيقدم حد على ربنا. حتى ولو كان الحد ده احب الناس الى قلبه والسر في هذه المسألة ان العبد اذا عرف ربه احبه. اذا احبه قدمه على كل - 00:10:53 كل محبوب يحبك. كما قال ابن القيم رحمة الله. لو عرفت ربنا تحبه اوكي. ولو حبيته لا يمكن في يوم من الايام تؤثر شهوة او معصية على الله سبحانه وتعالى - 00:11:16

تلaci اصحاب موسى بقى يقول له اصحاب موسى اللي هم كانوا من شوية سحرة فرعون. تلاقيه كان عندهم ثبات عجيب اوكي. الثبات ده جاي منين هي مسألة معرفة الانسان منا لربه سبحانه وتعالى - 00:11:33 في اول عنصر المفترض تبدأ به حياتك. وتبني حياتك عليه. لو عايز فعلا ثبت على طريق الله سبحانه وتعالى حط قدامك دايما انك لازم تعرف ربنا يا ابني. حط قدامك كده انك لازم تعرف ربنا سبحانه وتعالى - 00:11:51 تعالوا بقى نتكلم ازاي نعرف ربنا وايه ثمرات معرفة ربنا سبحانه وتعالى علشان ابقي فاهم كويس جدا بقى يعني ايه بقى معرفة الله سبحانه عايز اقول لك من البداية انا حابب ان الدرس يكون ما يبقاش مجرد كلام بيتقال. ولكن انا عايز درس يتحول الواقع عملي ملموس - 00:12:11 حاجة اقدر امسكها كده واقيسها بعد اما اخرج من الدرس. اعمل ايه ؟ اول حاجة يا ابني. من ابدع من ابدع دع من تكلم في اسماء الله الحسنی في زماننا هذا الدكتور محمد لطيف النابلسي - 00:12:33

الناس اللي بتتحب السماح تروح النهاردة تنزل السلسلة بتاعة الشيخ محمد الواطي بالنابلسي عن اسماء الله الحسنی اخر اصدارات اخر اصدارات للشيخ شرح اسماء الله الحسنی حوالي اربع خمس ست مرات. احنا عايزين بقى اخر اصدارات خالص. اللي هو بقى ايه ؟ خلاصة انا شرحت درس او خطبت خطبة - 00:12:52

هنا رحت مسجد تاني خطبت نفس الخطبة بس زدت عليها شوية حاجات. مسجد تالت زودت. مسجد رابع ده بقى ايه هتسمع خطبة ما فيش بقى بعد كده. اسمع بقى الدروس بتاعة الشيخ محمد راتب النابلسي كويس. نزلها على فلاشة خليها معك في في قلب عريتك. نزلها على اسطوانة خليها معك في قلب عريتك - 00:13:12

وطول ما انت ما بتعملش حاجة. احنا معنا ست شهور على الاقل. ما نعملش حاجة الا واحنا بنسمع بس عن اسماء الله الحسنی الناس اللي ما بتحبسن تسمع وغاوية قراءة هاتوا الموسوعة بتاعة شرح اسماء الله الحسنی بتاعة مين ؟ برضو بتاعة الدكتور محمد راتب نابلسيات لو فيه طبعة مجلد وفيه طبعة تلات مجلات - 00:13:32 او هاتوا الموسوعة بتاعة اسماء الله الحسنی بتاعة الدكتور خالد ابو شادي. فك الله اسره. وكل مظلوم اللهم امين هاتوا الكتب بتاعته. هاتوا الكتب بتاعته. آآ اسماء الله الحسنی المتعلقة بالجمال. اسماء الجمال. واسماء العظمة والكرياء واسمعوا بقى - 00:13:53 اقرأوا بقى اقرأ. حاول تقرأ كتير ماشي كده ؟ يبقى انا عندي اللي اللي عايز يقرأ عنده كتابين ثلاثة اهم. هات كتاب للشيخ امين الانصارى المتعلق بشرح اسماء الله الحسنی - 00:14:13

في كتاب بقى لطلبة العلم والناس المتقدمين شوية بقى في العلم وده كتاب عالي قوي. هي رسالة الدكتوراه اسمها مجاهدات ابن القيم رحمة الله عليه في اسماء تلات مجلدات كبيرة. ده بقى لطالب علم متین شوية. جمع كل ما يتعلق بشرح اسماء الله الحسنی من كتب ابن القيم. انت عارفين ابن القيم - 00:14:28

يمكن حد كده يعني نفسه عالي قوي في مسألة الكتابة فيما يتعلق بمعرفة الله ماشي كده ؟ فيه كتب تانية كتير قوي فيه شرح اسماء الله الحسنی بتاع الشيخ وحيد عبدالسلام بالي وده برضو من الكتب الجميلة قوي في شرح اسماء الله الحسنی - 00:14:48 زوج كل يوم يقضى معرفتك باسماء الله الحسنی. وزمان لما كنت بشرح لكم اسماء الله الحسنی من سنتين تقريبا كنت بقول لكم دايما اعظم كتاب تقدر وتفهم منه يعني اسماء الله الحسنی والقرآن - 00:15:05

بس ده خلوها بس مرحلة متقدمة شوية. هاتوا الكتب اللي انا قلت لكم عليها الان. وابدوا النهاردة اقرأوا في الكتب دي. ما يتعلق  
باسماء الله الحسنی. اللي عايز يقرأ ادي كتب اللي - 00:15:22

عايز تسمع انا قلت لكم السلسلة بتاعة الشيخ محمد رطب النابلسي ودي رقم واحد. وصدقوني والله كل من جاء من بعد الدكتور  
محمد النابلسي في شرح اسماء الله الحسنی عال عليه. عال عليه. حتى سلسلة باسمك نحیا. انا هقول اسم السلسلة مش هقول اللي  
قالها - 00:15:32

حتى السلسلة باسمك نحیا. هو عالة على الكتاب. خد كل الكتاب ولخصه وقاله للناس. اول مصدر كنت بحضر منه دروسي في اسماء  
الله الحسنی. كان كتاب الشيخ. واللي هيقرأ الكتاب من اوله لآخره هيلاقى فعلا ان في كتير من الاوقات انا كنت - 00:15:52

في موافق وبذكر احداث وبذكر معاني من كتاب الشيخ. سواء الدروس اللي كانت في رمضان او الدروس اللي كانت موسعة. اللي  
كانت من سنتين. عندك سلسلة شومال. سلسلة جميلة جدا في اسماء الله الحسنی. عندك الدكتور غريب رمضان عمل تلاتين درس في  
اسماء الله الحسنی. الشيخ امين الانصاري اقرأوا اسمحوا كتير عن اسماء الله - 00:16:12

جميل يعني الشباب آآ يعني نسأل الله سبحانه وتعالى انه يهدينا وان يهدي ابناءنا لو رحت في يوم من الايام الجيم علشان تجري  
شوية وتتحرك شوية او تروح تنادي تلاقي الشباب حاطين سماعة على ودانهم وبيعملوا اللي هم عايزينه. بيجری شوية على المشاية  
بيجری شوية مش عارف ايه - 00:16:32

في شوية في النادي حاطط السماعة اللي عليها الاغاني وبيجري. حري بك. زي ما هو كان مستعد ان حاطط الاغاني في ودانه حري  
بك وانت راكب عربتك وانت رايح مشوار ان السماعات بتاعتك مليانة دروس عن اسماء الله الحسنی وماشية معك كده واحدة  
واحدة طول ما انت ماشي تزداد مع - 00:16:52

باسماء الله الحسنی. يبقى في ساعات نعرف اسماء الله الحسنی سماعا للناس اللي بتحب تسمع ما عندهاش وقت للقراءة. اللي عنده  
وقت للقراءة ذكرته لكم بعض الكتب. اتنين علشان فعلا معرفة الله سبحانه وتعالى تؤثر في حياتك. لابد وان تظهر معاني الاسماء  
عليك - 00:17:12

بمعنى ايه يا اخوان؟ اهو انا اصل احمد بيقول لي دايما حاول دايما تخلي الكلام بتاعك يمكن انه يقاس. اعمل ايه بعد ما اخرج؟ اللي  
تعمله بعد ما تخرج. انا النهاردة - 00:17:32

اسم الله الرحيم. فدورني النهاردة بعد ما سمعت كوييس عنه او قرأت كوييس باسم الله الرحمن الرحيم. ان تخلق بأخلاق هذا الاسم  
ال الحديث اللي ورد في مسألة فيه ضعف. تخلقوا بأخلاق الله. فيه ضعف ضعيف. ولكن معناه متفق عليه بين اهل العلم. لما - 00:17:43  
تعرف ان ربنا سبحانه وتعالى ستير وتسمع عن ستر الله سبحانه وتعالى وحب الله عز وجل للستر لا يمكن ابدا هتفضح حد شفته في  
يوم من الايام معنا معصية. وهتلائقك بدون ان تشعر بتشتغل في جمعيات خيرية علشان تعمل سقف تستر به عيلة او تجيب هدوم  
علشان تستر بها. آآ جسد حد - 00:18:03

نخلق بأخلاق الله سبحانه وتعالى. فتاني حاجة ان انا عايز الاسم ده بعد ما سمعناه ابدأ اطبق بقى مقتضى هذا الاسم في حياتي  
سمعت عن ربنا عز وجل اسمه العفو. يبقى تعفو عن الناس وتسامح الناس وتصفح. سمعت عن ربنا سبحانه وتعالى الكريم - 00:18:23

وشفت كرم الله سبحانه وتعالى بصوره التي لا تعد ولا تحصى في هذا الكون. يبقى دورنا على طول مباشرة انك تتعلم الكرم مع  
الناس. لما اعرف ان ربنا سبحانه وتعالى حليم. والحليم معناه هو الذي لا يبادر بالعقوبة. لا لا هو حليم سبحانه وتعالى. تطبق ده مع  
زوجتك وتطبق - 00:18:43

ودمع اولادك. لما تعرف ان ربنا سبحانه وتعالى حبي. ده يظهر اسره على اختتنا. ربنا يا رب يحفظها في لبسها في هدومنها في طريق  
مشيتها في طريقة كلامها ويظهر عليك في طباعك واخلاقك. انت انسان حبي. فالحاجة الثانية بعد اما اسمع كوييس او اقرأ كوييس -  
00:19:03

افضل ماشي طول اليوم. من بعد ما سمعت الدرس ده الى ان تلقى الله. انك ازاى احول الدرس ده ان ده يبقى خلق عندي الحياة طبعا الاخلاق اللي يسمح فيها شرعا انك تتخلق بها. لأن احنا هنعرف برضو ان فيه اسماء لله سبحانه وتعالى ما ينفعش ان انا اتخلك بها -

00:19:23

دي حاجة خاصة بالله سبحانه وتعالى زي الكبارياء. دي صفة لله سبحانه وتعالى. ما تجييش عندنا احنا. ماشي؟ ما تبقاش متكبر على الناس. طيب نرجع تاني. نعرف ان ربنا سبحانه وتعالى جبار -

00:19:43

يجر كسر المنكسر. حاضر حاضر. يبقى تتخلق بهذا الخلق. وطول ما انت قاعد تفكرا زي بخاطر والدك ووالدتك. حتى ولو ماتوا ازاى اجبر بخاطرهم وهم في قبورهم؟ آزاى اجبر بخاطر مراتي؟ ازاى اجبر بخاطر ولادي -

00:19:59

ازاي جارنا اللي عنده حد مات؟ ازاى يروح حاجب بخاطره؟ آجارنا النصراني المسيحي اللي جنبي في البيت آا حصل لكم مصيبة كبيرة باظ ولا احرق ولا ازاى اروح اجبر بخاطره. وازاى اسانده في وقت شدته. يا سلام بقى لما نحول معرفتنا باسماء الله الحسنى -

00:20:19

العاالي واقع بقى مليان في حياتنا. تسمع عن اسم الله البر سبحانه وتعالى. وتلقيه سبحانه الله تلاقيه كده واحنا بنشرح اسم الله البر هو امرنا بالبر مع كل خلقه. حتى مع من عادانا في الدين. اللي مخالف لنا في الدين. عفوا مع من خالفنا في الدين. ازاى اتعامل معه بالبرز -

00:20:39

ازاي جار المسيحي اتعامل معه بابد وباحترام وبخلق ان تبرهم وتقسّطوا اليهم؟ يا رب الحاجة الثالثة والأخيرة ان تكون داعية لاسماء الله الحسنى. نرفع الاذان ونتكلم بقى عن الجزئية دي بعد الاذان ان شاء الله. بسم الله والحمد لله -

00:20:59

والصلة والسلام على رسول الله صلى الله عليه وسلم وبعد يبقى ازايا اخواننا اول شيء بيثبت الانسان على الطريق هو ان الانسان منا يعرف ربنا سبحانه قلنا الان كيف نعرف الله سبحانه وتعالى ان احنا نسمع كتير -

00:21:16

اتنين نقرأ كتير وفي حاجة تالتة بقى مهمة قوي في الجزئية دي هي جزئية ايه يا اخوان؟ ان ترى افعال الله عز وجل فيك وفي الكون من حولك بمعنى الاخ اللي كان عايز البصمة والدنيا واقفة فانت هنا تشوف فعلا اسم الله المجيب. صحي؟ دعا ربنا -

00:21:36

وربنا اجا به بسم الله سبحانه وتعالى الكريم شف اسماء الله عز وجل وصفاته من خلال افعال الله سبحانه وتعالى في الكون. طيب الامر الثاني بعد المعرفة القولية والفعلية والمتعلقة بالنظر في الكون. اتنين ان انا اتلخق بقى بهذه الاخلاق. يا اخوانا والله -

00:22:07

والله نحن في حاجة في هذا الزمان نحن نتخلق باخلاق الله سبحانه وتعالى نشوف اسماء الله الحسنى ونبداً نطبقها بقى علينا في حياتنا. ربنا سبحانه وتعالى سمي نفسه البر فده لازم يزهـر على -

00:22:33

لازم يظهر علي في بري لوالدي ووالدتي. لانه لان الله عز وجل هو البر فامر بالبر. سبحانه وتعالى. واول نوع من انواع البر البر بالاب الامر الثالث بقى وده مهم او اي ان يكون حديثنا بينا وبين بعض عن ربنا سبحانه وتعالى -

00:22:50

آا يمكن الفيس اتقلب اليومين التلاتة اللي فاتوا عن البرنامج اللي بيختلي صورتك وبيجيـب لك صورتك وانت كبير يعني شاغل الكلـي. شغل الناس انه عايز يشوف سنه لما يكبر هيـبـقـى عـامل اـزاـي؟ شـكـلـهـ لـماـ يـكـبـرـ عـامـلـ اـزاـيـ؟ وـشـغـلـ حـتـىـ اـهـلـ عـلـمـ اـهـ -

00:23:13

الحكم في المسألة دي ايه تخيلوا يا اخوانا لو في يوم من الايام الفيس كلـهـ كـدـهـ اـتـجـمـعـ عـلـىـ مـعـرـفـةـ اللهـ سـبـحـانـهـ وـتـعـالـىـ بـغـضـ النـظـرـ بـقـىـ عـنـ حـكـمـ البرـنـامـجـ وـالـكلـامـ دـهـ كـلـهـ. تخـيلـ فـيـ يـوـمـ -

00:23:36

من الايام ان احنا كلـناـ كـلـناـ اـتـجـمـعـنـاـ عـلـىـ انـ اـحـناـ كـلـ يـوـمـ نـعـرـفـ النـاسـ باـسـمـاءـ اللهـ الحـسـنـىـ وـصـفـاتـهـ العـلـاـ اـحـناـ شـكـلـنـاـ هـيـبـقـىـ عـاملـ اـزاـيـ وضعـناـ بـقـىـ عـاملـ اـزاـيـ؟ تخـيلـ النـهـارـدةـ انـ كـلـ صـفـحةـ مـوـجـودـةـ عـنـدـكـ -

00:23:49

من صحابـكـ كـلـ وـاحـدـ مـنـهـ يـدـلـ عـلـىـ الليـ يـدـلـ عـلـىـ شـرـحـ الـاسـمـ منـ اـسـمـ اللهـ فيـديـوـ مـسـلاـ اوـ الليـ يـدـلـ عـلـىـ كـتـبـ شـرـحـ اسمـ اللهـ الحـسـنـىـ اوـ الليـ -

00:24:10

اسمهـ اـيهـ؟ بماـ نـشـوفـ لـاـ بـالـعـرـوفـ. يـكـتبـ منـشـورـ مـسـلاـ عـنـ شـرـحـ اـسـمـ منـ اـسـمـ اللهـ اوـ الليـ يـكـتبـ سـبـحـانـ اللهـ مـوقـفـ حـصـلـ لهـ بـتـظـهـرـ فيهـ مـعـانـيـ اـسـمـ اللهـ. اـنـتـ مـتـخـيلـينـ اـحـناـ هـنـتـغـيـرـ اـزاـيـ -

00:24:20

لما تزداد معرفتنا بالله سبحانه وتعالى تلت حاجات مهمة اوي في درس النهاردة مع اول سبب من اسباب الثبات. معرفة الله واحد نقرأ  
كثير ونسمع كثير عن اسماء الله الحسنى. اتنين ان انا اتخلق بهذه الاخلاق اللي موجودة في اسماء الله الحسنى - 00:24:40  
ثلاثة ان دورنا ان احنا نعلم الناس معنى اسماء الله الحسنى وصفاته العلى وفي اقل من اربع دقائق عايز اسألكم انتم سؤال عايز اختم  
بكم انتم الدرس. هو انا لو عرفت ربنا سبحانه وتعالى باسمائه الحسنى وصفاته العلى ؟ ايه الاستفادة اللي ممكن تعود علي يعني من  
وراء ده - 00:25:00

اتفضل قوم الخشية اول حاجة تثمرها معرفة اسماء الله الحسنى وصفاته العلى في قلبك انك تخاف من ربنا. والله يا  
اخوانا انك تخاف من ربنا لذا قال النبي صلى الله عليه وسلم انا اعلمكم بالله واشدكم له خشيتي. النهاردة لما - 00:25:20  
نعلم الناجر النهاردة لما هنعلم التاجر من هو الله هيخاف انه يغش ويسرق في الموازين. والله يا اخوانا انا النهاردة زي ما قلت لكم  
كنت بخلاص اوراق في مصلحة حكومية. يعني بخلاص اوراق في مصلحة حكومية - 00:25:55  
الموزفين اللي موجودين نسأل الله سبحانه وتعالى السلامة والعافية. ان علشان حد يخلص لك ورقة انت بتسحب الكلمة من بوقه  
بالعافية وتسمع بقى لما دخلت المدير تكلمه الوضع كذا يقول لك انا ما عنديش موزفين انا عندي موزفين اربعة خمسة ومش عارف  
الحكاية ايه والرواية ايه اه مع انهم اربعة خمسة يعطلاوا - 00:26:12

صالح الناس فالموظف النهاردة لا يمكن بحال من الاحوال هيتفي الله في شغله ويخلص لك مصلحتك الا اذا كان خايف ربنا ولا يمكن  
بحمل احوال يخاف من ربنا الا اذا عرف الله. لما تروح المرور علشان يخلص لك ورتك. مش هتلاقي. ليه ؟ لانه لو عرف ربنا هيخاف من ربنا. ولو خاف من ربنا  
لا يمكن يروح للحرم فمن اعظم الفوائد اللي اللي بتتخلي حياتنا طيبة فعلا ان احنا نعرف ربنا. احد اخواننا الافاضل - 00:26:54  
الافاضل ربنا ابتلاه بفشل كلوي فكان يغسل. جهاز الغسيل الكلوي ده ربنا يعافيكم كده حاجة كده بتعمل عملية في الدراع هنا او في  
الرقبة للمريض. علشان يسيبوا مكان يخشوا فيه كده خرطوم - 00:27:14

مسلا اللي اللي بيسحب الدم ومكان تاني بيأخذ منه الدم. الدم يطلع منه من خرطوم يخش على الجهاز. الجهاز ده يفلتر الدم جميل  
كده يعمل غسيل للدم ده وبعد كده الدم النضيف ده يقوم داخل ايه في المريض مرة تانية فلازم التعقيم بتاع الجهاز ده يبقى على -  
00:27:34

احسن حال لما بيجي مسؤول في المكان ده عارف ان جهاز او جركن التعقيم اللي انا هعقم به بمية وخمسين جنيه الامريكي النضيف  
شووفوا شوفوا عدم معرفة ربنا بتوصل لايه - 00:27:54

فهو النهاردة المسئول ده عايز يعمل مصلحة. فيعمل مصلحة ازاي ؟ فيروح يجيب جركن للتعقيم الامريكي لا يجيب المصرف بكم ؟  
خمسة وتلاتين جنيه. اللي هو اصلا لا بيعقم ولا بتاع. طب هو الجركن المصري دا وحش يعني - 00:28:10  
ايه ده يا لالا اللي انت ما بتتحبsh بلدك وما بتتحبsh موتك ! لأن يا اخواننا ما هو انت مش فاهمين اصل الشركة اللي كانت بتعمل المنتج  
المصري ده كان فيها برضه موزف عايز يعمل - 00:28:31

فبدل ما يحطوا كمية التعقيم خمسين حاطة عشرة. عشان الأربعين دول يعمل مصلحة ماشي كده ؟ فكانت النتيجة ان زميلنا ده دخل  
يغسل من هنا دخل يغسل وعنده فشل كلوي بس جابوا له الفيروس سى - 00:28:41  
تخيل بقى قدر الكرب. طب تعالوا بقى ناخدها من تحت كده ونبدا نطلع فوق. ان احنا كلنا النهاردة معرفة الله ملأت قلوبنا. معرفة ربنا.  
ان انا اعرف ان ربنا رقيب سبحانه وتعالى. انه يسمع وانه يرى يسمعنا ويرانا - 00:28:57

يرى حالنا ويسمع كلامنا ويرى ايضا ما عليه امرنا باللي احنا بنعمله هو يراه سبحانه وتعالى فانا لما شفت ده انا كواحد شغال في  
شركة بتعمل الجيرken بتاع التعقيم ده آآ انا ربنا بيراقبني. ولو ربنا سبحانه وتعالى رأني في يوم - 00:29:17  
يوم من الايام ودي التربية بتاعة ابانا زمان. لو ربنا رأني ان انا باغش في ده فممك المريض يجي له فشل كلوي على طول ايه اللي  
هيحصل ؟ انا في يوم من الايام - 00:29:37

ربنا يبتليني في ولادي او هيبتليني عقوبة من الله على اللي انا عملته. مش دي التربية بتاعة ابويها وابوك واتربى على كده. يا ابني ربنا يراك. لو شافك بتعمل كذا هيسلط عليك كذا. اتربى على كده. فكان ابويها وابوك ما يحبوش الحرام - 00:29:47

لما نشأت اجيال بقى على عدم معرفة الله بقى الهدف الاساسي اللي شغال ده اعمل مصلحة ازاي؟ ازاي اعمل مصلحة؟ اهم حاجة.

تيجي بقى على صحة الناس. تيجي على حياة الناس. تيجي ده كله راح - 00:30:05

لية؟ مراقبة ربنا راحت من حياة بعض الناس. فهتلaci اللي بيعمل الجركن بيعمله غلط. وهتلaci المسئول اللي في المستشفى لما جه

يعمل مصلحة الجركن اللي ممكن يموت ده وي يعمل به مصلحة هو كمان وهكذا. سلسلة تسلم بعضها لبعض تلاقي المجتمع كله بينهار

بسبيب احنا عايزين - 00:30:22

مصلحة لما بيجي الحي النهاردة يشوف واحد عامل مصنع في قرية من القرى. وكل مخلفات المصنع يقوم راميها في قلب السط يقوم

راميها في قلب الترعة اللي البلد كلها تروي منها وبتشرب منها - 00:30:42

وبيبقوا عارفين كده القرية الفلانية دي كل اللي فيها عندهم سرطانات او عندهم فشل كلوي او عندهم مرض الكبد بيبيقوا عارفين طب

يدوروا على الاسباب اصل المصنع ده طب او قفوا المصنع ده يروح المسؤول علشان يوقف المصنع ده صاحب المصنع ده - 00:30:57

بيعمل معه مصلحة ياخذ الفلوس يمشي المسؤول والناس بتموت علشان المصلحة ماشي كده؟ وبعد فترة تلاقي الموزف ده الموزف

ده هو في يوم من الايام يعرف ان ابنه والعياذ بالله جا له فشل كلوي. ويبدأ الموظف ده يقول يا رب انت ليه بتعمل في كده؟ لا ما

انت مش واحد بالك. ان كله - 00:31:15

سلف دين فالانسان منا اذا عرف الله خاف. فلا يفعل الا ما فيه الخير له مع الله وفيه الخير له مع الناس تلاقيه في يوم من الايام لما

قالوا له هنجيب لك جراكي من المصرية عشان تطلع لك مصلحة يقول لهم وربنا اعمل ايه؟ وتلاقي - 00:31:46

اللي كان بيصف الطريق المفترض يحط خامات بكمية معينة. طريق جمصة طريق الموت. اسر كل يوم بتموت كل يوم بنشوف اعلان.

اصل الموزف حب يعمل مصلحة. الموزف ده على فكرة اللي هو اانا وانت في يوم من الايام. اسأل الله عز وجل ازا كنا موزفين -

00:32:10

ان يجعلنا من يخافون الله. عشان يعمل مصلحة ما رصدش الطريق كويس. فتلاقي الطريق عامل كده. عامل كده. بيجي واحد

ماشي هو وزوجته واولاده ماشيبين على الطريق ده ايه اللي يحصل؟ اقسم لكم بالله - 00:32:30

ويجي اللي كان عامل المصلحة في في الطريق دهو ابنه يضغط عليه انا لازم اروح راس البر مع ولادي مع اصحابي. يقول له لأ. يقول

له هاروح خلاص رح يا ابني. وبعد كده يجي له خبر ان ابنه وهو ماشي على الطريق اللي والله يا اخوانا ده امر حقيقي من ازن

الموزف ده - 00:32:46

لما جاي بيقول لي اانا عايز اتوب. واحنا بنسرق في في الطرق ورصف الطرق يقول لي اانا عايز اتوب قلت له من ايه؟ وكلمني بقى

وحكى لي قلت له ايه سبب توبتك؟ قال لي اسلبني في يوم من الايام مشي على الطريق ده عربية تريليا بسبب حادسة على الطريق -

00:33:06

فرمتنه هو واصحابه. لازم نفهم بقى. ما هو لازم نفهم. ما فييش حاجة عند ربنا بتعدي كده. فالانسان منا لما يعرف ربها سبحانه وتعالى

بيقى لازم يخف والخوف ده هو الخوف النافع لنا كلنا. اتنين الانسان منا اذا عرف الله احبه. اذا احب الله - 00:33:29

سهلت عليه الطاعة. ودي من اعظم ثمرات معرفة الله سبحانه وتعالى. انك لما تكون عاصي بالليل عملت معصية كبيرة والصبح رايه

تخلص ورقة مهمة جدا في حياتك. او الصبح عندك مقابلة مع شركة انت رايه تقدم فيها اوراقك ونفسك تقبل - 00:33:55

تعمل المعصية بالليل وتروح الصبح. وانت بقى ماشي كده انت عارف ان انا هاترفض ومش هيسامحوني ومش هيقبلوني. وسبحان

الله تروح هناك تلاقيهم رحبا بك. وقبلوك وافقوا على تعينك. ف ساعتها وانت نازل كده من الشركة حاطط وشك في الارض مش قادر

ترفع وشك في السما - 00:34:15

حياة الجنائية. بقى معقول انا اعصي ربنا بالليل والصبح يتعامل معي كده. فهنا يعرف الانسان ربها باسمه حليمة الذي ما عجل العقوبة

ولكن امهلك ليريك تعامله معك. ففي الوقت ده اول ما ت Shawf تعاملينا معك - 00:34:45

تلاقي قلبك بيذوب في حب ربنا تحبه او في سهل عليك بعد كده الطاعة. كفاية كده لأن أنا طولت عليكم النهاردة ونكلم الدرس الجاي كيف نثبت على طريق الله ولكن عايز اختتم بس خمس حاجات قبل ما أقوم أهنا خدنا كيف نعرف الله بتلات حاجات او - 00:35:05

وكيف اتعامل معرفة طلاب تلت حاجات كاول عنصر من العناصر اللي بها ثبتت على الطريق كانت اول حاجة اسمع كتير عن اسماء الله الحسنی ما بتحبس تسمع اقرأ كتير عن اسماء الله الحسنی - 00:35:29

وذكرت لكم اسماء سلاسل صوتية واسماء كتب سمعوا وقرؤوا. اتنين اتنين انك تتخلق بهذه الاخلاق المنشقة من اسماء الله الحسنی وصفاته ثلاثة انك تعرف الناس ترددش مع الناس عن ربنا سبحانه وتعالى. بعد كده انتقلنا على جزئية مهمة هي جزئية ثمرات معرفة الله، دي احنا - 00:35:39

الدرس الجاي واحد انك لو عرفت ربنا تخاف منه اتنين لو عرفت ربنا سبحانه الله تحبه وبالتالي تهون عليك الطاعة والعبادة. واول الدرس طبعاً ما قبل العشاء اهنا اتكلمنا عن ان كل النماذج اللي ربنا ذكرها في القرآن ثبتت عن الطريق ثبتت على الطريق كان اول عنصر من عناصر الثبات ايه؟ معرفة الله سبحانه - 00:35:59

وتعالى. جزاكم الله خيراً اكتفي ان شاء الله بهذا القدر. سامحوني على الاسئلة. اذا والله يعني يعني حماة اخ حبيبنا قوي توفيت في عايز الحق بس ان شاء الله الجنازة. فاجيب على الاسئلة بتاعتكم ان شاء الله الاسبوع القادم. اذا شاء الله سبحانه وتعالى. هذا وصلى الله على نبينا محمد وعلى الله وصحبه وسلم - 00:36:19 - 00:36:39